



14 November 2013
14 November 2013
P.U. (A) 335

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PERLINDUNGAN DATA PERIBADI 2013

PERSONAL DATA PROTECTION REGULATIONS 2013



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PERLINDUNGAN DATA PERIBADI 2010
PERATURAN-PERATURAN PERLINDUNGAN DATA PERIBADI 2013

SUSUNAN PERATURAN-PERATURAN

BAHAGIAN I
PERMULAAN

Peraturan

1. Nama dan permulaan kuat kuasa
2. Tafsiran

BAHAGIAN II
PRINSIP PERLINDUNGAN DATA PERIBADI

Prinsip Am

3. Persetujuan subjek data

Prinsip Notis dan Pilihan

4. Perincian tentang pengguna data

Prinsip Penzahiran

5. Senarai penzahiran

Prinsip Keselamatan

6. Polisi keselamatan

Prinsip Penyimpanan

7. Standard penyimpanan

Prinsip Integriti Data

8. Standard integriti data

Prinsip Akses

9. Permintaan mengakses data
10. Keengganan permintaan mengakses data
11. Penerimaan permintaan pembetulan data
12. Penalti

BAHAGIAN III
PEMERIKSAAN

13. Notis pemeriksaan
14. Sistem data peribadi hendaklah terbuka untuk pemeriksaan

BAHAGIAN IV
NOTIS PENGUATKUASAAN

15. Permohonan perubahan atau pembatalan notis penguatkuasaan

AKTA PERLINDUNGAN DATA PERIBADI 2010

PERATURAN-PERATURAN PERLINDUNGAN DATA PERIBADI 2013

PADA menjalankan kuasa yang diberikan oleh seksyen 143 Akta Perlindungan Data Peribadi 2010 [*Akta 709*], Menteri membuat peraturan-peraturan yang berikut:

BAHAGIAN I

PERMULAAN

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Perlindungan Data Peribadi 2013**.

(2) Peraturan-Peraturan ini mula berkuat kuasa pada 15 November 2013.

Tafsiran

2. Dalam Peraturan-Peraturan ini, melainkan jika konteksnya menghendaki makna yang lain—

“pegawai pemeriksa” ertinya seorang pegawai yang diambil kerja oleh Pesuruhjaya di bawah seksyen 51 Akta bagi maksud menjalankan suatu pemeriksaan di bawah seksyen 101 Akta;

“standard” ertinya suatu kehendak minimum yang dikeluarkan oleh Pesuruhjaya, yang memperuntukkan, bagi kegunaan biasa dan berulang, kaedah-kaedah, garis panduan atau ciri-ciri bagi aktiviti atau keputusan aktiviti itu, yang matlamatnya adalah pencapaian peringkat susunan yang optimum dalam sesuatu konteks yang diberikan.

BAHAGIAN II

PRINSIP PERLINDUNGAN DATA PERIBADI

Prinsip Am

Persetujuan subjek data

3. (1) Seorang pengguna data hendaklah memperoleh persetujuan daripada seorang subjek data berhubung dengan pemprosesan data peribadi dalam apa-apa bentuk yang persetujuan itu boleh direkodkan dan disenggarakan dengan sewajarnya oleh pengguna data itu.

(2) Sekiranya bentuk persetujuan dalam subperaturan (1) yang diberikan melibatkan juga perkara lain, kehendak untuk memperoleh persetujuan hendaklah dikemukakan secara berbeza dalam pengemukaannya daripada perkara lain itu.

(3) Seorang pengguna data hendaklah mendapatkan persetujuan yang disebut dalam subperaturan (1) daripada ibu bapa, penjaga atau seseorang yang mempunyai tanggungjawab ibu bapa terhadap subjek data, sekiranya subjek data itu berumur bawah lapan belas tahun.

(4) Seorang pengguna data hendaklah mendapatkan persetujuan yang disebut dalam subperaturan (1) daripada seseorang yang dilantik oleh mahkamah untuk menguruskan hal-ehwal subjek data atau seseorang yang diberikan kuasa secara bertulis oleh subjek data untuk bertindak bagi pihaknya sekiranya subjek data itu tidak berupaya untuk menguruskan hal-ehwalnya sendiri.

(5) Beban pembuktian bagi persetujuan yang disebut dalam subperaturan (1) hendaklah terletak pada pengguna data.